

PAULO TỠ CARTA HAN: GALÁCIA TÁ KE AG MỠ CARTA

¹ Paulo tỠ rá vễ, inh. IsỠ ga tỠ Galácia tá ke ag mỠ rán hã vễ. Jesus Cristo hã vỠ inh fễg, sỠ tỠ ti apóstolo jễ jé, ẽg jóg tỠ Topễ ti ke gé. Ẽprã ke tỠ inh fễg pijé'. Jesus Cristo hã ne inh fễg', Topễ tỠ ùn rĩn mãn mữ ti, ti ter kar kỠ. ² SỠ inh mré ke ag mré ga tỠ Galácia tá ke ag mỠ rán hã vễ, ù tỠ Galácia tá Jesus to vễnhmãn tỠ ag mỠ.

³ Topễ mỠ sóg to vỠ tỠ, ti tỠ ấjag tar han jé, ẽg jóg mág tỠ ấjag krĩ kuprãg jé, ẽg pã'i tỠ Jesus Cristo ti ke gé.

⁴ Ti hã ne ù tỠ ấ tén mữ ag mỠ vễnh fễg', ti tỠ ẽg tỠ Topễ vỠ mranh tỠ tũ' he jé, kỠ tóg ẽg kren han, ẽprã ke jykre to. Ẽprã ke jykre tỠ pãno nĩ kỠ tóg vễnh jykre tag ki ẽg kunũ. Ẽg jóg tỠ Topễ tỠ nén ve sór mũn hã vễ, ti hã ne Jesus mỠ tag tó ja nĩ'. ⁵ KỠ ẽg tóg Topễ to vỠ há han sór mữ, kỠ tóg tũg' he jãvãnh nĩ, ti to vỠ há tag ti. Hã vễ.

Jesus kãme pir nĩ

⁶ ấjag ne tóg kãnhmar sỠ ấjag mỠ Cristo kãmén ja ẽn tovãnh sór mữ', ti tỠ ẽg jagfy ter ja kãme ti. Ti kãme ù nón mữ sór ấjag tóg mữ, Cristo tỠ ẽg mỠ tó ja tũ nón. Inh mỠ tóg e tỠ mỠr, ấjag jykre tag ti. ⁷ Cristo kãme vỠ pir nĩ, kỠ ti kãme ù tóg tũ tỠ. Hã ra ù ag tóg ấjag krĩ kufy han sór mữ, hã kỠ ag tóg Cristo kãme ẽn ki króm há han tũ nĩgtỹ. Ỡ tó sór ag tóg mữ mỠr, Cristo jykre to, hã vỠ: “ấjag krenkren jé ấjag

tóg Cristo ki rã kar kÿ Judeu ag jykre han ke mũ gé, Topẽ tÿ Moisés mÿ nén tó ja ên ti,” he mũ. ⁸ Hã ra sóg ãjag mÿ tó há han ja nĩgtĩ, isÿ ãjag mÿ: “ti ki rã tãvĩ han jé ãjag tóg ke mũ,” hen kÿ. Û tÿ inh vĩ tag ri ke tó tũ ag jé mũ kónãn. Hẽn ri ke mũn isóg ãjag mÿ tag tó tũ nĩ, hẽn ri ke mũn sóg ti pãte nén ù tónh ke mũ. Kÿ inh jé tĩg kónãn. Hẽn ri ke mũn kanhkã tá Topẽ tÿ jẽnẽ jafã tóg isÿ tó ja ên ri ke han ke tũ nĩ, pãte tóg hẽn ri ke mũn nén ù tó sór mũ. Kÿ ti jé tĩg kónãn. ⁹ Tag tó ja inh nĩ, kÿ sóg tó mãn mũ sir. Û tÿ ãjag mÿ Cristo kãmén kÿ, hã ra tóg ãjag mÿ isÿ tó ri ke han tũ nĩ, isÿ tó pãte tóg ù tó sór mũ, kÿ ti jé tĩg kónãn.

¹⁰ Vĩ tar han sóg tĩ, êprã ke kórég ag to. Inh pi(jé) ón kÿ ag mÿ vĩ há han sór mũ', ag tÿ iso há nÿtĩ jé'. Êprã ke ag tÿ iso há nĩ tag, ag tÿ iso kórég nĩ tag tóg inh mÿ tÿ nén ù tũ nĩ.

Isÿ êprã ke ag tÿ iso nén tó mũ to jykrén nĩ ra inh hÿn Cristo tũ ki rĩr tũ nĩnh mũ vè. Hã ra sóg ti hã to jykrén tĩ. “Isÿ nén tó mũ hÿn ti mÿ há nĩ, ti mÿ kórég nĩ vó?” he sóg tĩ, ti tÿ inh mÿ vĩ há han jé, Topẽ ti.

Paulo tÿ Topẽ vĩ hã tó

¹¹⁻¹² Cristo kãmén ja inh nĩgtĩ, isÿ ãjag mÿ: “ti ki rã kÿ ãg krenkren ke mũ, ãg tÿ Moisés jykre han tũ ra,” hen kÿ. Êprã ke tÿ véké nén ù to jykrén ja pijé', sÿ ãjag mÿ nén tó mũ ti. Êprã ke tÿ inh kanhrãn ja pijé'. Û pi(jé) inh mÿ: “tag tómnĩ,” he mũ'. Jesus Cristo hã ne inh kanhrãn', ti hã ne inh mÿ tag tó kãn'. Tag to jykrén nĩ, inh kanhkã'.

¹³⁻¹⁴ Isÿ vãsÿ nén han ja mẽ ãjag tóg huri. Tÿ sóg Judeu krẽ nĩ, hã kÿ sóg Judeu jykre han tĩ ja nĩgtĩ,

Moisés tỹ ãg jóg'jóg ve ag mỹ Topẽ jykre tó ja ãn ti. Kỹ sóg inh povo jykre ki, Judeu jykre ki sóg vãsãn mág, hã kỹ sóg inh régre ag pãtén, sỹ ãg jykre ki króm to tar tâvĩ nĩn kỹ. ãg jóg'jóg ve ag jykre tâvĩ han sóg nĩgtĩ mỹr, tag hã mĩ sóg ãkrén ja nĩgtĩ. Kỹ sóg kygnẽ kỹ: “Jesus hỹn ón kỹ vêsỹ Topẽ han,” he ja nĩ gé. Hã kỹ sóg ti ki ge kỹ nỹtĩ ag vóg kónãn tâvĩ han, isỹ ag tỹ tũ' he jé. Ag jagãgtãn vãn hã ja inh nĩgtĩ.

15-16 Hã ra Topẽ tóg kejẽn inh mỹ Jesus to: “inh kósín vỹ tỹ ti nĩ,” hé, isỹ fóg ag mỹ, kanhgág ag mỹ ti kãmén jé, ù tỹ mẽ ja tũ ag kar mỹ. Ti hã tóg inh mur to hã inh kuprẽg, inh jagãgtãn kỹ. Kỹ, Jesus tỹ inh mỹ vẽn ven kar inh pi(jé) ãprã ke ù mré vēmén', ti ki jēmẽ jé'. 17 Kỹ sóg Jerusalém ra tĩg ja tũ nĩ gé, sỹ ijo apóstolo ag mré vēmén jé. Ga tỹ Arábía ra sóg vyr, ãn kã, kar kỹ sóg tá kãtĩg kỹ cidade tỹ Damasco tá jun mãn.

18 Kỹ, 3 anos tũg kỹ sóg kejẽn Jerusalém ra vyr, sỹ apóstolo Pedro mré vēmén jé. Ti mré sóg kurã tỹ 15 (ke) han, tâvĩ. 19 ãn kã inh pi(jé) apóstolo ù ag vé'. Tiago hã ve inh, ãg Senhor jãvy ãn, isỹ Pedro mré vĩn kỹ.

20 ãjag mỹ sóg ki hã rán mũ. Inh pi(jé) ón mũ', Topẽ hã ne ki kanhró nĩ'.

21 Tag pãte sóg ga tỹ Síria ra vyr, ga tỹ Cilícia ra ke gé. 22 Isỹ ra tĩg jé sóg ga tỹ Judéia fĩn rãm. Kỹ Judéia tá Jesus to vẽn mãn tĩ ag inh ki kagtĩg nỹtĩ ja nĩgtĩ. Inh ve ja tũ ag nỹtĩ ver, Judéia tá Cristo ki ge kỹ nỹtĩ ag. 23 Iso vĩ hã mẽ ja ag tóg nĩgtĩ, hã vỹ: “ù tỹ ãg vóg kónãn mũ ãn nẽji Cristo tó mũ,” he mũ. “Vãsỹ tóg ù tỹ ti ki ge kỹ nỹtĩ ag tũg sór ja nĩ, hã ra tóg ùri ti kãmén mũ ha, nẽji,” he ja ag tóg nĩgtĩ iso. 24 Kỹ ag

tóg isugrĭn Topě to vĭ há han ja nĭgtĭ, ag tỹ tag mẽ kỹ.

2

Paulo jykre tỹ apóstolo ù ag mẽ há nĭ.

¹ Tag pãte 14 anos tũg kar sóg Jerusalém ra tĩg mãn gé, Barnabé mré, kỹ Tito tóg ěg mré vyr gé. ² Topě tỹ inh mẽ: “ha ra tĩg,” he ja vĕ. Tá jun kỹ sóg ag mẽ isỹ nén tó tĩ ěn kãmén kãn ja nĭ sir, sỹ fóg ag mẽ nén kãmén tĩ ěn ti. Vyr mẽ sóg tag to pã'i ag mré vĕmĕn. Fóg ag mẽ sóg: “Jesus ki rã kỹ ěg krenkren ke mũ, ěg tỹ Moisés jykre han tũ ra,” he tĩ. Kỹ sóg tag to pã'i ag ki jĕmĕ sór ja nĭ, sỹ ag mẽ: “mỹ há, fóg ag tỹ Moisés jykre han tũ ra, kanhgág ag ke gé?” he jé. Isỹ fagrĭnh mẽ rãnrãj jãvãnh tóg tĩ, isỹ fagrĭnh mẽ carreira ri ke han jãvãnh tóg tĩ, hã kỹ sóg ag ki jĕmĕnh vyr. ³ Kỹ tóg ag mẽ há tĩ, sỹ fóg ag mẽ, kanhgág ag mẽ Jesus hã tó mũ ti, sỹ ag mẽ Moisés tó tũ ra, sỹ ag mẽ Judeu ag jykre tó tũ ra, sỹ ag mẽ: “ha ãjag gré fár junun kym,” he tũ ra. Hã kỹ ag tóg Tito mẽ: “ha kym,” he ja tũ nĭ gé. Fóg tỹ Grego vĕ, Tito ti, ù tỹ Jerusalém ra inh mré tĩ mũ ěn ti. Hã kỹ tóg ã gré fár kym ja tũ nĭ, ti tỹ tỹ Judeu tũ nĭn kỹ. ⁴ Hã ra ón kỹ Jesus ki ge kỹ nỹtĩ ag tóg ti kym sór ja nĭ. Ón kỹ ag tóg Jesus jykre ve sór ja nĭ. “Ti mẽ Moisés jykre tovãnh tũ'?” he ag tóg iso. Ag tỹ Moisés jykre krĕm ěg vin mãn sór ja vĕ, kỹ tóg ěg patrão ri ke nĭ, Moisés jykre ěn ti. ⁵ Hã ra sóg ag kato tĕ. Inh pi(jé) ag mẽ: “hỹ,” he ja nĭgtĭ'. Ag kato tĕ tãvĭ han ja inh nĭgtĭ ãjag jagfy, ãjag tỹ vĕnh vĭ há hã kri fi jé, Jesus kãme tỹ ãjag mẽ sér tĩ jé, ãjag tỹ Moisés jykre kufy ěn han tũ nĭn kỹ.

⁶ Kÿ pã'i ag tóg isÿ ag mÿ nén kãmén mÿ ãn to: “tó kãn ja tũ ã nĩ,” he ja tũ nĩ gé, ãn mág ag. Vãsÿ ag tóg tÿ pã'i tũ ja nÿtĩgtĩ, ãn mág tag ag, hã ra tóg inh mÿ tÿ nén ã tũ nĩ, ha mē. Topē mÿ ti tÿ nén ã tũ nĩ, ěg tÿ ěprã ke ag mÿ tÿ ãn mág nÿtĩ ti, ãn sĩ nÿtĩ ti ke gé. ⁷ Kÿ tóg pã'i tag ag mÿ há tĩ, sÿ fóg ag mÿ, sÿ kanhgág ag mÿ Topē vĩ tónh ke ti, ãn gré fár junun kym ja tũ ěn ag mÿ, Topē tÿ inh mÿ: “povo ã ag mÿ tónh tĩg,” hen kÿ. “Topē vÿ Pedro mÿ tó, ti tÿ Judeu ag mÿ tó jé, ãn gré fár junun kym kÿ nÿtĩ ěn ag mÿ, hã ra ã tóg ã ag mÿ tónh ke mÿ,” he ja ag tóg nĩ inh mÿ, Jerusalém tá ãn mág ag. ⁸ Topē ne Pedro ti tar han, ti tÿ tÿ Judeu ag apóstolo jē jé. Kÿ tóg isar han, isÿ tÿ ã ag apóstolo jē jé, ãn tÿ Judeu ag jykre han tũ kar ag. ⁹ Tag ve ag, Topē tÿ tag to isar han mÿ ve ag, Tiago ti, Pedro ti, João ti ke gé. Igreja to pã'i vÿ tÿ ag nÿtĩ, kÿ ag tóg tÿ igreja nũna ri ke nÿtĩ. ěn ag ne inh nĩgé mē', Barnabé nĩgé ke gé. Hã kÿ ag tóg ěg mÿ: “há ti nĩ, ãjag rãnrãj ti, ãjag tÿ nén han sór mÿ ti,” he mÿ. “Ha fóg ag mÿ tónh mÿjěg, kanhgág ag mÿ, jãvo ěg tóg ã tÿ Judeu ag jykre han mÿ ag hã mÿ tónh ke mÿ,” he ag tóg mÿ ěg mÿ, pã'i ag. ¹⁰ Kÿ ag tóg ěg mÿ to vĩ, ěg tÿ ag kãmĩ ãn vēsÿrénh mÿ ag jagãgtãn jé, ěg tÿ ag mÿ nén ã jēnē jé, fag mÿ ke gé. Tag han sóg tĩ mÿr. Inh pi(jé) kã jatun tĩ'.

Fóg ag tÿ Judeu ag ri ke nÿtĩ

¹¹ Kÿ kejēn Pedro tóg cidade tÿ Antioquia tá jun ja nĩgtĩ. Hã ra tóg tá kygnē, kÿ sóg ti kato tē. Tĩ hã mÿ sóg ti kygnē ěn tó. ¹² Kÿ Tiago tóg kejēn ti mré ke ã ag jēgnē ja nĩgtĩ. Ag tÿ junjun tũ ki Pedro tóg fóg ag mré jēn ja nĩgtĩ, Judeu tũ ag mré. Hã ra Tiago tá ke ag tÿ junjun kÿ tóg sir Judeu tũ ag mré jēn jãvãnh

nĩ sir, ti tỹ Judeu ag kamẽg vẽ sir, ùn gré junun fár kym tĩ ag jagfy. Kĩ Pedro tóg ón kĩ vurmỹ nĩ mũ sir, fóg ag vãm kĩ. ¹³ Kĩ ti mré Judeu ù ag tóg fóg ag vãm mũ gé sir. Kĩ vãhã Barnabé tóg fóg ag vãm mũ gé sir. Ki kanhró ti nĩ vẽ, Barnabé ti, ẽg tỹ jatun mỹ fóg mré nĩnh ke ti, ẽg tỹ tỹ Judeu nỹtĩ ra. ¹⁴ Ag kar vỹ kygnẽ kãn, Pedro nón. Jesus jykre pijé', vẽnh vĩ sér pijé'.

Sỹ ag tỹ kygnẽ tag ve kĩ sóg vẽnh kar rĩnve Pedro mỹ tag tó, ha mẽ. “Ha vé, Judeu vỹ tỹ ã nĩ,” he sóg ti mỹ. “Ã tỹ tỹ Judeu nĩ ra ã tóg fóg jykre han ja nĩgtĩ, fóg mré jẽnh kĩ,” he sóg ti mỹ. “Kĩ ã tỹ ne jé ùri Judeu jykre han mãn sór nẽ? ã tỹ ne jé fóg ag mỹ: Judeu ag jykre han nĩ, he sór nẽ?” he sóg ti mỹ.

Jesus ki ge kĩ nỹtĩ kĩ ẽg povo pir ri ke nỹtĩ

¹⁵ Judeu krẽ vỹ tỹ ẽg nỹtĩ, kĩ ẽg tóg fóg ag tỹ Topẽ vĩ mranh tĩ ẽn ri ke tũ nỹtĩ. ¹⁶ Hã kĩ ẽg tóg Topẽ tỹ vãsỹ ẽg jyvẽn tĩ ẽn ki kanhró nỹtĩ. Hã ra ẽg pi(jé) tag tigrĩn Topẽ mỹ há nỹtĩ'. Ẽg tỹ Jesus Cristo ki ge kĩ ẽg ti mỹ há nỹtĩ. Hã kĩ ẽg tóg Jesus Cristo ki ge kĩ nỹtĩ, ẽg tỹ ti mỹ tỹ ùn há nỹtĩ jé, ti tỹ ẽg tỹ ti ki ge kĩ nỹtĩ tag tigrĩn ẽg mỹ vẽnh pãte fón jé sir. Ẽg pi(jé) Topẽ tỹ vãsỹ ẽg jyvẽn tĩ ẽn ki króm ja nĩgtĩ', hã kĩ ẽg tóg ti mỹ tỹ ùn há tũ nỹtĩ, ẽg tỹ ti tỹ vãsỹ ẽg jyvẽn han sór mũ ra. Topẽ pi(jé) Moisés tỹ ẽg mỹ vẽnh jykre nĩm ja ẽn tigrĩn ẽg mỹ vẽnh pãte fón ke mũ'. Jesus Cristo tigrĩn ke vẽ.

¹⁷ Kĩ tóg ge nĩ. Ẽg tỹ Cristo ki ge tigrĩn ẽg tóg Topẽ mỹ tỹ ùn há nỹtĩ. Ẽg tỹ Topẽ vĩ mranh kĩ, hã kĩ tóg ẽg mỹ vẽnh pãte fón mũ, ẽg tỹ tỹ Judeu nỹtĩn kĩ, kĩ

tóg fóg ag mÿ vënh pãte fón mÿ gé, kanhgág ag mÿ ke gé.

Kÿ ãjag hÿn iso: “ã tÿ tag tó kÿ ã tóg: Cristo vÿ Topë vÿ mranh tag to há nÿgtÿ, he tÿ,” he sór mÿ. Vó, hã tÿ vë. ¹⁸ Hã ra tag to jykrén, ha mẽ: ãg tÿ Topë tÿ vãsÿ vënh jykre to: “vënh jykre tag han mãn ke tÿ ãg nÿ ha,” he kar kÿ: “vó, han mãn jé ãg tóg ke mÿ, ge ra,” hen kÿ tóg vënhmÿ tÿ sir. Vënh jykre régre vë sir. ¹⁹ Topë tÿ vãsÿ ãg jyvën ja ën ki kanhró ãg tóg nÿtÿ. Kÿ ãg tóg ti tÿ ãg jyvën mÿ ën mẽ kÿ: “vënh jykre kórég han kÿ sóg Topë vÿ mranh tÿ,” he mÿ sir. Ti vÿ ki króm ki kagtÿg ãg tóg nÿtÿ, ãg tÿ ki króm sór mÿ ra. Hã ra Cristo vÿ ãg jykre si tÿ tÿ' he ja nÿ. Ti mré tóg cruz to sa ja nÿ, ãg jykre si ti. Kÿ tóg ãg mÿ vënh jykre tãg nÿm mÿ sir, ãg tÿ tÿ Topë tÿ nÿtÿ jé. ²⁰ ãg jykre si vÿ tÿ' hé. Hã kÿ ãg tóg ti tÿ hã han tÿ, ãg tÿ ver ga kri mÿn kÿ. Topë kósin ki rã tugrÿn ãg tóg sir rÿnrÿr nÿtÿ. Ti fe vÿ tÿ ãg nÿtÿ, ãg kar vÿ tÿ ti fe nÿtÿ, kÿ tóg ãg jagfy ù tÿ ã tén tÿ ag mÿ vënh fëg, kÿ tóg ãg jagfy ter ja nÿ. ²¹ Ti ki ge kÿ nÿtÿ tugrÿn ãg tóg Topë mÿ há nÿtÿ. Topë tÿ ãg jagãgtãn hã vë. ãg tÿ: “Topë jykre si ki króm kÿ inh hÿn Topë mÿ tÿ ùn há nÿ,” hen kÿ Cristo vÿ fagrÿnh mÿ ter ja nÿ. Kÿ ãg tóg Topë tÿ ãg jagãgtãn tag tÿ tÿ' he mÿ. Hã tÿ vë mÿr.

3

ãg tÿ Jesus ki ge kÿ ãg krenkren ke

¹ Galácia tá ke', ãjag ne tóg krÿ tÿ nÿtÿ ve nÿtÿ'. Û nÿ ãjag krÿn kónãn, ãjag tÿ Jesus Cristo tovãnh sór jé? Ti tÿ ka to sa ja ën tó kãn inh mÿr ãjag mÿ, kÿ ãjag tÿ ne jé vãsÿ vënh jykre ën han sór nÿ? ² Kÿ sóg ãjag ki tag jëmë sór mÿ, ha mẽ: Topë ne ãjag mÿ ã kuprÿg jënë'.

Ājag tỹ vāsỹ vēnh jykre si ěn mĩ mũ tugrĩn ājag mỹ jagrēn kỹ nỹtĩ'? Vó, inh vĩ tugrĩn ājag tóg Cristo ki ge kỹ nỹtĩ, kỹ ājag tóg Cristo ki ge tugrĩn jagrēn kỹ nỹtĩ. ³ Kỹ krĩ vēnh mỹ han sór tũg nĩ. Topē kuprĩg tỹ ājag krĩn kỹ ājag Jesus ki ge ja nĩ. Kỹ: vēsóg ki sóg ti jykre ki krov," he tũg nĩ. ⁴ Ke tũ nĩ (mũ) ra ājag tóg fagrĩnh mỹ Topē kuprĩg tỹ jagrē nĩ ěn vé. Hã ra tóg inh mỹ fagrĩnh mỹ ke tũ nĩ. ⁵ Kỹ ũ tỹ ājag mỹ ā kuprĩg jēnēg mũ ěn vỹ ěg tỹ nén han vānh hyn han ja nĩgtĩ gé. Ti mỹ ājag tỹ vāsỹ vēnh jykre si mĩ mũ tugrĩn milagre ěn hyn han'? Vó. Ājag tỹ Cristo kãme sér mē kỹ ti ki ge tugrĩn tóg milagre ěn hyn han. Tag to jykrén.

⁶ Kỹ Abraão to jykrén nĩ gé. Topē ki tóg rã kỹ nĩ ja nĩ, kỹ tóg Topē mỹ tỹ ũn há nĩ sir, Abraão ti. ⁷ Tag to jykrén há han nĩ. ěg tỹ Abraão nón Topē ki ge kỹ nỹtĩ kỹ ěg tóg Abraão krē'krē ag ri ke nỹtĩ. ⁸ Topē vỹ fóg ag mré kanhgág ag krenkren han sór mũ, ag tỹ ti ki ge kỹ. ũ tỹ Judeu jykre han tũ ag kar krenkren han sór tóg mũ. Hã tóg rán kỹ nĩ. Vāsỹ tóg rán kỹ nĩ, Topē vĩ tỹ rán kỹ nĩ ki. Vāsỹ tóg Abraão mỹ vēnh vĩ sér tag tó ja nĩ, ha mē: "povo kar mỹ sóg vĩ há han ke mũ, ā tugrĩn," he ja tóg nĩ, Topē ti, Abraão mỹ. ⁹ Ti mỹ tóg vĩ há han ja nĩ, Topē ti, Abraão mỹ, ti tỹ ti ki rã há han kỹ. Kỹ tóg ũ tỹ ti nón ti ki ge kỹ nỹtĩ ag mỹ vĩ há han ke mũ gé.

¹⁰ ũ tỹ vāsỹ vēnh jykre si ěn ki króm tugrĩn kren sór mũ ag mỹ tóg vĩ kónãn ke mũ, Topē ti, ag tỹ ki króm sór mũ ra mranh kỹ, mỹr, ha mē. Hã kỹ tag tóg rán kỹ nĩ, ha mē. "Topē tỹ ěg jyvēn mũ tóg e nỹtĩ, kỹ ti vĩ tóg rán kỹ nỹtĩ. ěg tỹ ki króm kãn ke vē. ũ tỹ mranh pir han mũ mỹ tóg vĩ kónãn ke mũ,

Topě ti,” he tóg, Topě vī tỹ rán kǵ nĩ ki. ¹¹ Hã kǵ ěg tỹ Topě tỹ vãsỹ ěg jyvĕn mũ ěn ki króm sór mũ ra ěg tóg ti mỹ tỹ ũn há tũ nỹtĩ, Topě ti mỹ, ěg tỹ ki króm kãn tũ nĩn kǵ. Hã kǵ tag tóg rán kǵ nĩ gé: “ěg tỹ Topě ki ge kǵ nỹtĩn hã kǵ ěg tóg ti mỹ tỹ ũn há nỹtĩ, kǵ ěg tóg krenkren ke mũ ha,” he ja tóg nĩ, Topě vī tỹ rán kǵ nĩ ki. ¹² Kǵ Topě tỹ vãsỹ ěg jyvĕn tĩ ěn vỹ ěg tỹ ti ki rã ri ke tũ nĩ. Hã kǵ tóg tag tó ja nĩ, Topě ti, ha mē: “ãjag tỹ inh vī ki króm tigrĩn ãjag krenkren ke mũ,” he ja tóg nĩ. Hã ra ěg tóg ki króm ki kagtĩg nỹtĩ, hã kǵ ěg tóg ti jykre si ki króm sór mũ ra ki króm ja tũ nĩ, hã kǵ ěg tóg krenkren ke tũ nĩ sir.

¹³ Jãvo ěg tỹ Cristo ki ge kǵ ěg krenkren ke mũ. Topě vỹ ěg mỹ vī kónãn ke mũ vĕ, ěg tỹ ti tỹ vãsỹ ěg jyvĕn mũ ěn mranh ja to. Hã ra Cristo tóg ěg kren han mũ, Topě tỹ ěg mỹ vī kónãn tũ nĩ jé. Cristo hã ne Topě mỹ: “ha ag jagfy inh hã mỹ vī kónãn,” he ja nĩgtĩ'. Ti to tag tóg rán kǵ nĩ, ha mē: “ũ tỹ cruz to sa mũ ěn mỹ tóg vī kónãn mũ, Topě ti,” he ja tóg nĩgtĩ, Topě vī tỹ rán kǵ nĩ ki. ¹⁴ Ti tỹ Cristo hã mỹ vī kónãn kǵ tóg ěg hã mỹ vī há han mũ sir, ti tỹ Abraão mỹ vī há han ja ěn ri ke. Fóg ag mỹ tóg vī há han mũ, kanhgág ag mỹ ke gé, Jesus Cristo tigrĩn. Kǵ tóg ěg mỹ ã kuprĩg jĕnĕg mũ sir, ěg tỹ ti ki rã ja tigrĩn. Tó ja ti nĩ, ti tỹ ěg jagrĕn ke ti, kǵ tóg ke mũ, ěg tỹ ti ki rã ja tigrĩn.

Abraão tỹ Topě vī kri nĩm kǵ tỹ ũn há nĩ

¹⁵ Inh kanhkã', ěprã ke jykre to jykrén. Kejĕn ũn régre ag tóg jagnĕ mré nén ũ to jykrén tĩ. To jykrén kar kǵ ag tóg rán tĩ, kǵ ag tóg ãjag jygi ránrán tĩ gé sir. Ag jygi ránrán kar kǵ ũ tóg sir tỹ nén ũ han mãn ke tũ nĩ. Rán kǵ tóg nĩ nĩ, kǵ ag tóg tỹ ti rá ũ han tũ

nĩgtĩ sir. Ęprã ke jykre hã vĕ. ¹⁶ Kĩ Topĕ jykre vỹ ge nĩgtĩ gé. Topĕ vỹ Abraão mỹ tó ja nĩ, vãsỹ, ti tỹ ti mỹ nĕn ũ há han ke ti, ti krĕ'krĕ mỹ ke gé. Kĩ tóg, ti tỹ ti krĕ'krĕ tó kũ (tóg) Abraão krĕ'krĕ ag kã ũn pir hã tó ja nĩ. Ti pi(jé) Abraão mỹ: “ã krĕ'krĕ ag,” he ja nĩ'. “Ā krĕ'krĕ,” he ja ti nĩ, hã vỹ: Cristo, he mũ, hã vỹ: Abraão krĕ'krĕ ag kã ũn pir, he mũ.

¹⁷ Kĩ Topĕ tóg Moisés mur ke to hã Abraão mỹ ti tỹ ti krĕ'krĕ ag kã ũ mỹ vĩ há han ke tag tó ja nĩ, ti tỹ Abraão mré jykrĕn kũ. Kĩ, tag pãte, 430 (ke) anos tũg kũ tóg Moisés mỹ ti tỹ ěg jyvĕn ke ěn nĩm. Hã ra tóg ã tỹ Moisés mỹ vĕnh jykre ěn nĩm mũ ra tóg ã tỹ Abraão mỹ vĕnh jykre tó ja ěn tỹ tũ' he ja tũ nĩ. ¹⁸ Kĩ Topĕ tỹ Abraão mỹ: “ve jé ã tóg ke mũ, ã krĕ'krĕ mrĕ,” he ja ěn tugrĩn tóg ve ja nĩ, Topĕ vĩ hã tugrĩn tóg ve ja nĩ, Abraão ti. Ti tỹ ěg jyvĕn ěn to ke tũ vĕ, ti tỹ ěg mỹ: “ěn ve jé ãjag tóg ke mũ,” hen kũ ěg tóg venh ke mũ, ti vĩ tugnĩn.

¹⁹ Kĩ ãjag hỹn inh mỹ: “Topĕ tỹ ne jé Moisés mỹ ti tỹ ěg jyvĕn ke ěn tó ja nĕ?” he sór mũ. Ęg tỹ: “venh jykre kórég han kũ inh hỹn tóg Topĕ vĩ mranh,” he jé, hã jé Topĕ tóg Moisés mỹ ti tỹ ěg jyvĕn ke ěn nĩm ja nĩ, Jesus mur ke to hã. Abraão kósin tỹ Jesus mur ke tũg ki ke ja vĕ, Topĕ tỹ ěg jyvĕn ja ěn ti. Ti hã mỹ tóg vĩ há han sór ja nĩ, Topĕ ti, Jesus hã mỹ.

Topĕ tỹ Israel ag jyvĕn kũ tóg ã tỹ jĕnĕ jafã ag mỹ tó ja nĩ. Kĩ Topĕ tỹ jĕnĕ jafã ag tóg Moisés mỹ tó ja nĩ, Moisés tỹ Israel ag mỹ kãmĕn jé. Topĕ tỹ ěg jyvĕn jafã ti nĩ ja nĩ, Moisés ti. ²⁰ Topĕ jĕgia kã jĕg kũ tóg Israel ag mỹ vĩ ja nĩgtĩ, Moisés ti, Topĕ tỹ Israel ag mré jykrĕn kũ. Kĩ Moisés tóg ag jyvĕn, ag tỹ Topĕ vĩ ki króm jé. Topĕ tỹ ěg kren han kũ tóg ge tũ nĩgtĩ.

Ã pir mÿ tóg ãg mÿ tó mÿ, ti tÿ ãg kren han sór mÿ ti, Topẽ ti. Û tóg ti jagfy ãg mré vÿ tÿ nÿ sir.

Topẽ vÿ ãg jyvẽn, ãg tÿ ti vÿ ki kanhrãn jé

²¹ Isÿ tag tó kÿ Topẽ hÿn ãjag mÿ tÿ ãn ón mé nÿ ve nÿ. “Topẽ tÿ ãg jyvẽn mÿ ra ãg tóg ti vÿ mranh tÿ. Hã kÿ tóg ãg vóg kónãn ke mÿ. Kÿ tóg ãg kren han ke tÿ nÿ,” he ãjag hÿn tÿ. Vó, Topẽ pi(jé) ón tÿ'. Hã ra Topẽ tÿ ãg jyvẽn mÿ ra ãg tóg ki króm tÿ nÿgtÿ, hã kÿ ti tÿ ãg jyvẽn tag tóg ãg kren han jãvãnh nÿ. Ti tÿ ãg jyvẽn ãn tÿ ãg kren han mÿ ra ãg tóg ti tÿ ãg jyvẽn tigrÿn jykre kuryj nÿtÿnh mÿ vë. ²² Hã ra tag tóg rán kÿ nÿ, ha mÿ: “vẽn kar vÿ Topẽ vÿ mranh kãn ja nÿgtÿ,” he ja tóg nÿ, Topẽ vÿ tÿ rán kÿ nÿ ki. Kÿ ãg tÿ Jesus ki ge hã kÿ ãg tóg krenkren ke mÿ sir. Û tÿ ti ki ge kÿ nÿtÿ ag hã vÿ krenkren ke mÿ.

²³ Kÿ, ãg tÿ Cristo ki rãnh ke to hã ãg tóg Topẽ tÿ vãsÿ ãg jyvẽn mÿ ãn krêm nÿtÿ ja nÿgtÿ, kÿ tóg ãg kanhrãn tÿ ja nÿgtÿ. Ti tÿ ãg mrãnmrãn ri ke ja ti nÿgtÿ, ti vÿ ti. Krêm ãg tóg sigse kÿ nÿtÿ ja nÿgtÿ. ãg tÿ Cristo ki ge kÿ ãg tóg kygvar kÿ nÿtÿ sir. Cristo mur to hã ke ja vë, Topẽ tÿ vãsÿ ãg jyvẽn ja ti. ²⁴ Kÿ tóg ãg jyvẽn ja nÿgtÿ, ãg tÿ Cristo ki rãnh ke to jykrén jé. Cristo ki ge tigrÿn ãg tóg Topẽ mÿ tÿ ãn há nÿtÿ ha. ²⁵ Kÿ, ãg tÿ ti ki rã kar kÿ ãg tóg Topẽ tÿ vãsÿ ãn mÿ: ag jyvẽn nÿ, he mÿ ãn krêm ke tÿ nÿtÿ ha.

²⁶ Topẽ krë vÿ tÿ ãg nÿtÿ ha, ãg tÿ Jesus Cristo ki ge kÿ. ²⁷ Ti jiji tó kÿ ãg kygpe kÿ nÿtÿ, kÿ ãg tóg ti ri ke nÿtÿ sir, tÿ ti hã ri ken hã vë. ²⁸ Hã kÿ ãg tóg tÿ jagnë hã nÿtÿ gé. Kÿ ãg tÿ ti ki ge kÿ Judeu ag vÿ fóg ag ri ke nÿtÿ, kÿ fóg ag vÿ kanhgág ag ri ke nÿtÿ gé. Û camarada ag vÿ ãjag patrão ri ke nÿtÿ. Ag vÿ

fag ri ke nýtĩ gé. Nén ũ pir vỹ tỹ ěg nýtĩ, ěg tỹ Jesus Cristo ki ge kỹ nýtĩn kỹ. ²⁹ Kỹ, ěg tỹ tỹ Cristo mré ke nýtĩn kỹ ěg tóg tỹ Abraão krě'krě ag ri ke nýtĩ gé sir, ěg kar, kỹ ěg venh ke mũ sir, Topě tỹ Abraão mỹ nén to mũ ěn ti.

4

¹ Sỹ ājag mỹ kāmén mǎn ke vě, sỹ nén tó ja ěn ti. Ũn rico kósin vỹ ti tũ mǎn kǎn ke mũ, ti mog kỹ. Ti tỹ ver sĩ nĩn kỹ tóg nén ũ venh ke tũ nĩ ver. Ti panh camarada ri ke tóg nĩ ver, ti sĩ nĩn kỹ. Hǎ ra ti panh tỹ nén kar vỹ tỹ ti tũ nýtĩnh ke mũ. ² Ge ra ag tóg ver ti kanhrǎn tĩ, ti sĩ nĩn kỹ. Kỹ ti kri ke ag ne ti tũ to jykřén tí'. Gen kỹ tóg kejěn ti panh tỹ ti mỹ kurǎ nĩm ja ěn pétēm ke mũ. ěn kǎ tóg ā tũ mǎn kǎn ke mũ sir. ³ Ge ti nĩgtĩ ěg mré, ěg tỹ tỹ Topě krě nýtĩn kỹ. Jesus mur ke to hǎ ěg tóg gĩr ri ke nýtĩ ja nĩgtĩ. Nén kar tǎn kaměg ja ěg tóg nĩgtĩ, krĩg tǎn mré hǎ. ěg sigse ri ke han ja ag nĩgtĩ, nén tǎn ag. ⁴ Kỹ, ti kurǎ tá krỹg kỹ Topě tóg ā kósin jěně. ěprǎ ke fi ki tóg mur. Moisés tỹ ěg jyvěn tí ěn ki króm kǎn ja tóg nĩgtĩ. ⁵ ěg kren han jé tóg mur, ti tỹ Moisés tỹ ěg jyvěn ja ěn to ěg kygvǎn jé sir, ěg tỹ vǎhǎ tỹ Topě krě pě nýtĩ jé sir. Tỹ ěg ti krě tũ ja nýtĩgtĩ vě, hǎ ra Topě tóg ěg jě'yn sór mũ ha sir.

⁶ Kỹ ěg tóg tỹ ti krě nýtĩ sir. ěg tỹ tỹ ti krě nýtĩn kỹ tóg ěg mỹ ā kuprĩg jěněg mũ sir, ti tỹ tỹ ěg jagrě nĩ jé. Ti kósin kuprĩg ri ke ti nĩ, Topě kuprĩg ti. ěg jagrě tag tỹ ěg tóg sir Topě to: “ěg jóg mág,” he tí. ⁷ Hǎ kỹ ěg tóg tỹ ũ camarada ri ke tũ nýtĩ ha. Topě krě vỹ tỹ ěg nýtĩ ha. Kỹ, ěg tỹ tỹ ti krě nýtĩn kỹ ěg

tóg ti tỹ nén mǎn ke mũ gé sir, ti tỹ ěg mỹ nén nĩm ke ti. Topě tỹ ěg mỹ nén han hǎ vĕ.

Paulo tỹ krĩ kufy nĩ

⁸ Vāsỹ ājag tóg Topě ki kagtĩg ja nỹtĩgtĩ. Kỹ ājag tóg ón kỹ vĕnh kǎgrá hǎ to: “ěg Topě vĕ!” he ja nĩgtĩ. Vĕnh kǎgrá pi(jé) tỹ Topě nĩ'. Vĕnh kǎgrá hǎ nón mũn kỹ ājag tóg sigse kỹ nỹtĩ ja nĩgtĩ. ⁹ Ūri ājag tóg Topě ki kanhró nỹtĩ jāvo. Hǎ ra tóg vāsỹ ājag ki kanhró nĩ ja nĩ vĕ, Topě ti, ha mĕ. Kỹ ājag tỹ ne jé tỹ nén kar tǎn ag mré ke nỹtĩ mǎn sór nĕ? Krój ti nỹtĩ, nén kar tǎn ti, to ěg jagtar' he nỹtĩ ja nĩgtĩ, sigse kỹ ěg nỹtĩ ja nĩgtĩ, ěg tỹ tỹ ag mré ke ja nỹtĩn kỹ. Ājag mỹ sigse kỹ nỹtĩ mǎn sór mũ'? ¹⁰ Kurā to ājag tóg jykrén sór mũ, kurā kórég to, kar kỹ kysǎ kórég to ke gé, prỹg kórég to ke gé. ¹¹ Inh kanĕ jur tóg tĩ, sỹ tag mĕ kỹ. Inh hỹn fagrĩnh mỹ ag mỹ Jesus kǎmén, he sóg tĩ, mỹr.

¹² Inh kanhkǎ, inh ri ke nỹtĩ sórmnĩ. Ājag mré ke vỹ tỹ inh nĩ, kỹ inh ri ke han sórmnĩ. Tag hǎ to sóg vĩ mũ, ājag mỹ. Ājag pi(jé) inh jũ han'. ¹³ Sỹ ājag ki jun vĕn mũ ěn mĩ ěkré, sỹ ājag mỹ Topě vĩ tó vĕn mũ ti. ěn kǎ sóg kaga nỹ ja nĩgtĩ. ¹⁴ Kỹ tóg ājag mỹ e tĩ ja nĩgtĩ, ājag tỹ inh kaga ven kỹ. Ge ra ājag tóg iso é he ja tũ nĩgtĩ, ti pi(jé) ājag mỹ jĕgry ja nĩgtĩ', inh kaga ti. Inh mỹ vĩ há han ja ājag tóg nĩgtĩ, sỹ tỹ Topě tỹ jĕnĕ jafǎ nĩn kỹ, ājag mỹ. Ājag tỹ Jesus Cristo ki rĩr mũ ěn ri ke han ja ājag tóg nĩgtĩ isỹ. ¹⁵ ěn kǎ tóg ājag mỹ sér pĕ tĩ ja nĩgtĩ. Hǎ kỹ ājag tóg inh jagǎgtǎn ja nĩgtĩ. Isỹ ājag mỹ ājag kanĕ to vĩ ra ājag hỹn inh mỹ vin ke mũ vĕ. Kỹ ti tỹ ne jé ājag mỹ sér tũ tĩ nĕ, ũri?

16 Ājag mǝ sóg ki hã tó mǝ. Inh mǝ tag tugrĭn ājag mǝ kórég nĭ ha'? Inh mǝ tóg e tĭ, tag ti.

17 Ū ag tóg ājag mǝ vĭ há han sór mǝ. Ag ón vĕ hã ra. Ag tǝ ājag tǝ inh kato tĕ han sór vĕ, hã kǝ ag tóg ón kǝ vĭ há han sór mǝ, ājag tǝ ag hã nón mǝ jé sir, isovãnh kǝ. 18 Há ti nĭ vĕ, nén ũ há tǝ ājag mǝ sér nĭn kǝ. Isǝ ājag mré nĭn kǝ nén ũ há ěn tóg ājag mǝ sér nĭ ja nĭgtĭ. Kǝ ājag tǝ tag tovãnh tǝ nĭ kǝ tóg há tĭ, inh mǝ. Kǝ nén ũ há hã to tar nǝtĭmnĭ.

19 Inh krĕ', ājag mǝnh ri ke vǝ tǝ inh nĭ. Ēg mǝnh fi ne kaga tĭ', ěg tǝ fi ki mur ken kǝ. Fi kaga tag ri ke han mãn inh, ājag to. Ājag tǝ Cristo hã ri ke nǝtĭn kǝ tóg há tĭ, sǝ tag hã ve sór vĕ, hã jé sóg ěg mǝnh fi kaga ěn ri ke han mãn mǝ, ājag tugrĭn. 20 Sǝ ājag mré nĭnh há tóg tĭ, sǝ ājag mré vĕmén jé, sǝ ājag mǝ kãmén há han jé sir. Sǝ komĕr hã ājag mǝ kãmén há tóg tĭ. Hã ra sóg kanĕ jur mǝ, ājag to, hã kǝ sóg vĭ mǝ.

Agar fi mré Sara fag to vĕnh jykre

21 Ājag kãmĭ ũ tóg Moisés tǝ ěg jyvĕn ja ěn han sór mǝ. Ājag hĭn mĕ kãn ja tǝ nĭ, vãsǝ vĕnh jykre ěn ti, hã kǝ ājag tóg han sór mǝ. Ājag tǝ mĕ há han kãn ja nĭ ra ājag hĭn han sór ke tǝ nĭ vĕ. Hã mĕ, vãsǝ vĕnh jykre ěn ti, ājag tǝ nén han sór mǝ ěn ti. 22 Tag vǝ rán kǝ nĭ, ha mĕ. Abraão vǝ kósĭn régre nĭ ja nĭgtĭ. Ū mǝnh fi vǝ tǝ ti camarada fi nĭ, kǝ ũ mǝnh fi vǝ tǝ ti prũ pĕ fi nĭ. 23 Kǝ Abraão tóg Ā camarada fi mré nǝ ja nĭ, ti tǝ ver kófa tǝ ra, kǝ ti kósĭn tóg fi ki mur mǝ sir. Hã ra tóg Ā prũ pĕ fi ki (tóg) Ā kófa ra kósĭn mǝ gé sir. Topĕ tǝ ti mǝ: “Ā kófa nĭ ra Ā tóg kósĭn ke mǝ,” he jan hã vĕ. 24 Topĕ tóg tag han, ěg tǝ ti

jykre ki kanhrãn jé. Ti tỹ ãg mỹ comparação han hã vễ, fag to, ha mẽ. Topẽ tỹ ãg mré jykrén mũ ri ke fag nỹtĩ, Abraão prũ fag. Agar fi vỹ tỹ Abraão camarada ja nĩgtĩ. Ti mré ke pẽ tũ fi vễ. Kỹ fi tóg ri ke nĩ, Topẽ tỹ krĩ tỹ Sinai tá Moisés mỹ ti tỹ ãg jyvẽn ẽn tó ja ti. Tag vỹ Agar fi ri ke nĩ, ti camarada fi ri ke. Û tỹ vễnh jykre ẽn han mũ vỹ tỹ ù camarada ri ke nỹtĩ, fi kóm. Tỹ ag tóg sir Topẽ mré ke tũ nỹtĩ, ù tỹ Judeu jykre han mũ ag. ²⁵ Kỹ Agar fi vỹ krĩ tỹ Sinai ri ke nĩ, ga tỹ Arábia tá. Hã ra fi tóg cidade tỹ Jerusalém ri ke nĩ gé, hã vỹ: Judeu ag jykre han mũ ag kar, he mũ, hã vỹ: Jerusalém, he mũ. Tỹ ag Topẽ mré ke tũ nỹtĩ, ù tỹ Judeu ag jykre han mũ ag. ²⁶ Hã ra ãg jamã vỹ kanhkã tá nĩ, Jerusalém tãg to ken hã vễ, hã vỹ: kanhkã, he mũ. ãg mỹnh ri ke vễ sir, Abraão prũ pẽ fi ri ke vễ sir, Jerusalém tãg, he mũ tag ti. ²⁷ Tag to tag tóg rán kỹ nĩ, ha mẽ: “kurĩ ã tóg nĩ, krẽg vãnh ã tóg nĩ. Ge ra mỹ sér tĩmnĩ, jamã há ra prẽrmnĩ, ã mỹ sér tĩn kỹ, gĩr ù tỹ ã ki mur ja tũ ra. Á krẽ vỹ e tãvĩ nỹtĩnh mũ, ùn krẽg mũ fi krẽ e kãfór ti nỹtĩnh mũ, ã krẽ ti, ã mén tỹ ã fón mũ ra. Û tỹ fi mén mré tĩ mũ fi krẽ kãfór ti nỹtĩnh mũ, ã krẽ ti,” he ja tóg nĩ, Topẽ vỹ tỹ rán kỹ nĩ ki.

²⁸ Kỹ ãg tóg Isaque ri ke nỹtĩ. Topẽ tóg Isaque to Abraão mỹ: “ã kófa nĩ ra ã tóg kósin ke mũ,” he ja nĩ. Kỹ ãg tóg Cristo ki ge kỹ nỹtĩ kỹ tỹ Topẽ krẽ nỹtĩ, Topẽ tỹ: “inh krẽ vỹ tỹ ãjag nỹtĩnh mũ,” hen kỹ. Topẽ vỹ tag tugrĩn ãg tóg Isaque ri ke nỹtĩ. ²⁹ Kỹ Abraão kósin ve vỹ ti prũ pẽ fi kósin vóg kónãn ja nĩgtĩ. Abraão vỹ ã kófa tũ ra ã kósin ve ẽn han, hã ra tóg Topẽ kuprĩg tugrĩn ã prũ pẽ fi kósin han, ã kófa pẽ ra. Kỹ ti kósin ve vỹ ãgno vóg kónãn mũ. Hã

kỹ ãg tóg tag vég tĩ gé, ùri. Judeu jykre han mũ ag vỹ ãg vóg kónãñ sór tĩ gé ver. ³⁰ Kĩy Abraão krẽ ag to tag vỹ rán kỹ nĩ, ha mẽ: “ã camarada fi fón nĩ, fi kósin mré,” he ja tóg nĩ. “Ã camarada fi kósin pi(jé) ã prũ pẽ fi kósin mré ã tũ mãn ke mũ'. ã pir mỹ ti mãn ke mũ, ã prũ pẽ fi kósin ti,” he ja tóg nĩgtĩ, Topẽ vỹ tỹ rán kỹ nĩ ki, Abraão krẽ to. ³¹ Kĩy ãg tóg ti prũ pẽ fi kósin ri ke nỹtĩ. ãg pi(jé) tỹ ti camarada fi kósin ri ke nỹtĩ, ãg tỹ Jesus ki ge kỹ nỹtĩn kỹ.

5

Jesus tỹ ãg kygvãn ja

¹ Kĩy Jesus tóg ãg kygvã, vẽnħ jykre si to, ãg kygvar kỹ nỹtĩ jé sir. Hã kỹ Judeu ag jykre ãn han sór tũg nĩ. Û tỹ tag to ãjag krĩn sór mũ ãn ag kato tẽnĩ, ag nón mũ sór tũg nĩ, ãjag tỹ vẽnħ jykre ãn krẽm sigse kỹ nỹtĩ mãn tũ nĩn jé sir.

² Hã kỹ sóg ãjag mỹ kãmén mũ, inh, hã vỹ: Paulo, he mũ. Sỹ ãjag mỹ nén tónħ ken hã vỹ, ha mẽ: ãjag tỹ ãjag gré junun fár kym kỹ, ãjag tỹ Judeu ag jykre han jé, kỹ Cristo vỹ ãjag mỹ nén ù há han ke tũ nĩ.

³ Ha vé, sỹ tag tó mãn ke vỹ gé, ha mẽ. ãjag tỹ ãjag fár kym kỹ ãjag han kãn ke mũ sir, Moisés tỹ ãg mỹ vẽnħ jykre nĩm ja ãn ti. ⁴ Hã ra ãjag tóg Cristo tovãnh ke mũ, ãjag tỹ Moisés tỹ ãg jyvẽn tĩ ãn han sór kỹ, ãjag tỹ Moisés jykre tugrĩn Topẽ mỹ tỹ ùn há nỹtĩ sór kỹ. Topẽ vỹ ãg jagãgtãn sór mũ. ãjag tỹ Moisés jykre han sór kỹ ãjag tóg ti tỹ ãg jagãgtãn tag to é he mũ sir. ⁵ ãjag jãvo ãg tóg ãg tỹ Jesus ki gen kỹ Topẽ mỹ tỹ ùn há nỹtĩn mũ. ãg tỹ ti ki ge kỹ nỹtĩn kỹ ãg tóg Topẽ kuprĩg tỹ jagrẽ nỹtĩ. ãg jagrẽ tag tugnĩn ãg

tóg Topě mý tỹ ũn há nýtĩ. ⁶ Ha vé, ěg tỹ Jesus Cristo ki ge kỹ nýtĩn kỹ tóg tỹ nén ũ tũ tĩ sir, ũn gré junun fár kym ja ti, ũn tỹ kym ja tũ ti ke gé. Ti ki ge kỹ ěg tóg nýtĩ, kỹ ěg tóg tỹ nén ũ pir nýtĩ ha, jagně to há ěg nýtĩ ha.

⁷ Ha vé, mũ há han ja ājag nĩgtĩ. Ājag tỹ ne jé tovānh sór ně? Ājag tỹ ne jé věnh vĩ há kri nĩm sór tũ nĩ ně? ⁸ Topě tỹ ājag krĩn pijé'. Ti hā ne ājag jé prēr ja nĩgtĩ'. ⁹ Tag to jykrén: fermento sĩ vỹ ěg tỹ pāo kujāgja kỹ kri rũm ke tĩ, kỹ tóg tỹ sónsón ke kãn tĩ, tỹ nĩ kãn tóg tĩ, pāo ti. Topě vĩ kujāgja vỹ ge nĩ, ha mẽ. Ke tũg nĩ. ¹⁰ ěg Senhor tũ vỹ tỹ ājag nýtĩ. Hā kỹ sóg ājag to: “ag hỹn ti tovānh ke tũ nĩ,” he tĩ, “ag hỹn ti japry, ti jamĩn jagma mũ mǎn ke mũ,” he sóg tĩ. Ũ tỹ ājag krĩn mũ ěn ne vēsỹrénh ke mũ', ājag krĩn kónān ja tag to, ti tỹ tỹ pā'i nĩ ra.

¹¹ Inh pi(jé) ěg gré junun fár kym to: “ke ra,” he tĩ'. Isỹ ag mré tag tó ra ag hỹn inh vóg kónān ke tũ nĩ vē. Isỹ ag mré tag tó ra ag hỹn iso jũnh ke tũ nĩ vē. ěg tỹ ěg fár kym tigrĩn krenkren tũ ra ěg tóg Jesus tỹ ka to sa ja ěn to krenkren ke tũ nĩ vē, kỹ tóg ag mỹ sér tĩ vē, isỹ věnh jykre si tó tĩ ra. Hā ra sóg tó tũ nĩgtĩ. ¹² Ũ tỹ tag tó mũ ag jé ājag grāfy kym kãn, ũ tỹ ājag krĩn kónān mũ tag ag.

¹³ Hā ra Topě tóg ěg jé prēr, ti tỹ ěg kygvān jé. Ti tỹ ěg kygvān kỹ ěg kygvar kỹ nýtĩ ha. Ge ra ěg tóg ěg tỹ vēsóg ki nén to jykrén mũ ěn han sór ke tũ nĩ, ti kórég nĩn kỹ. ěg tũ hā han ke tũ ěg nĩ. ěg tỹ jagně to há nýtĩ tag hā ne há nĩ'. Jagně ki rĩr to ken hā vē. ¹⁴ Ha vé, Topě tỹ ěg jyvĕn e ěn ki króm kãn jé ěg tóg ke mũ, ěg tỹ nén ũ pir han kỹ, hā vỹ: “ā régre ki rĩr

há han nĩ, ã tỹ vĕnh ki rĩr há ri ke han nĩ, ã régre ki,” he mũ. ¹⁵ Jãvo ãjag tóg mĩg ri ke jagnĕ mãn sór mũ, jagnĕ to jũn kỹ. Jagnĕ tỹ tũ' he jé ãjag tóg ke mũ, ge kỹ, ha vemnĩ.

Ěg tỹ ěg tỹ nĕn to ěn mũ ěn han ke tũ

¹⁶ Hã kỹ sóg ãjag mỹ: “Topĕ kuprĩg tỹ ãjag mỹ nĕn tó mũ ěn hã han nĩ,” he sór mũ. Kỹ ãjag tóg ãjag tỹ nĕn to ěn mũ ěn han ke tũ nĩ. ¹⁷ Ěg tỹ nĕn to ěn mũ vỹ Topĕ kuprĩg tỹ ěg mỹ nĕn tó mũ ěn kato tĕ nĩ, kỹ Topĕ kuprĩg vỹ ěg tỹ nĕn to ěn mũ ěn kato tĕ nĩ gé. Jagnĕ to rará ag tóg tĩ, hã kỹ ěg tóg ěg tỹ nĕn han sór mũ ěn han ke tũ nĩ. ¹⁸ Ěg tỹ hã ra Topĕ kuprĩg tỹ ěg mỹ nĕn tó mũ ěn han kãn kỹ tóg ěg se mãn ke tũ nĩ sir, Topĕ tỹ vãsỹ ěg jyvĕn ja ěn ti.

¹⁹ Ěg tỹ vĕsóg ki nĕn to jykrĕn mũ ěn vỹ kórég nĩ, kỹ vĕnh kar vỹ ki kanhró nỹtĩ. Ěg tỹ vĕsóg ki nĕn to jykrĕn to ken hã vĕ, hã vỹ: mén tũ mré nỹ, he mũ, prũ tũ mré nỹ, he mũ, nĕn ũ kavĕj han tĩ, he mũ, ěg tỹ nĕn to ěn mũ kar han tĩ, he mũ, ²⁰ ěg tỹ vĕnh kãgrá to: Topĕ vĕ, he tĩ, he mũ, kujá jykre han tĩ, he mũ, curandeiro jykre han tĩ, he mũ, jagnĕ kato vãsãn tĩ, he mũ, jagnĕ to ãjag fe tỹ gỹm ke (ka)mĕ, he mũ, jagnĕ tũ to jykrĕn kónãn tĩ, he mũ, vĕsỹ ũn mág han sór mũ, he mũ, vĕnh kãpãm kỹ nỹtĩ sór mũ, he mũ, jagnĕ vĩ kato tĕ mũ, he mũ, ²¹ jagnĕ tũ to ěn tĩ, he mũ, kronkron tĩ, he mũ, krĩn tũ, he mũ, vĕnh jykre pãno han tĩ tỹ hĕn ri ke ke gé. Tag to sóg ãjag jyvĕn huri, hã ra sóg tó mãn sór mũ. Ũ tỹ tag han mũ ag pi(jé) Topĕ tỹ tỹ ěg pã'i nĩ venh ke mũ'.

²² Topĕ kuprĩg tỹ ěg kanhrãn mũ vỹ tag ri ke tũ nĩ. Há kar ti nĩ. Ti tỹ ěg kanhrãn to ken hã vĕ, hã

vỹ: jagně to há, he mũ, mỹ sér tĩ, he mũ, krĩ kuprã, he mũ, jagně to fe há nýtĩ, he mũ, koměr hã vĩ, he mũ, jagně jagãgtãn tĩ, he mũ, jagně mỹ ón vãnh, he mũ, ²³ vēsỹ ùn mág han sór tũ, he mũ, vēsō jykrén tĩ, he mũ. Topě pi(jé) tag kato tẽ tí', ti tỹ vãsỹ ěg jyvĕn ti vỹ tag ri ke ja nĩgtĩ gé. ²⁴ Ěg tỹ tỹ Jesus Cristo tũ nýtĩn kỹ, kỹ ěg tóg tỹ ti tỹ ka to sa ja ěn ri ke nýtĩ. Hã kỹ ěg tóg ěg tỹ nén to ěn mũ ěn han mãn sór ke tũ nĩ ha sir, ěg tỹ nén ki vē'ĩ mũ ěn han mãn sór ke tũ ěg nĩ ha.

²⁵ Ěg tỹ Topě kuprĩg tỹ jagrĕ nýtĩn kỹ, kỹ ěg tóg ti tỹ ěg mỹ nén tó mũ ěn han kãn ke mũ sir, ti kuprĩg tỹ ěg mỹ nén tó mũ ěn ti. ²⁶ Kỹ ěg tóg sir tỹ ùn mág nýtĩ sór ke tũ nĩ, jagně jũ han mãn sór ke tũ ěg nĩ, jagně tũ mãn sór ke tũ ěg nĩ gé. Vĕnh jykre há hã han jé ěg tóg ke mũ.

6

Ěg tỹ jagně jagãgtãn ke

¹ Inh kanhkã', kejĕn ãjag kãmĩ ù tóg kygnĕg tĩ, vĕnh vatánh tá. Kỹ ù tỹ kygnĕg mũ ěn mỹ: “kygnĕ ã mỹr,” hemnĩ, ãjag tỹ Topě kuprĩg tỹ jagrĕ nýtĩn kỹ. Koměr hã ti mỹ tómnĩ, ti tỹ kygnĕg mũ ěn ti. Kỹ vēsō jykrén há han nĩ gé, ãjag tỹ ti tỹ kygnĕ ěn ri ke han tũ nĩ jé, ti kóm. ² Jagně ajudar hemnĩ, ãjag mré ke ù tỹ jagtar nĩn kỹ. Cristo tỹ ěg jyvĕn mũn hã vē. ³ Kejĕn ù tóg vēsóg ki vēsỹ ùn mág han sór tĩ. Hã ra tóg tỹ nén ù tũ nĩ. Kygnĕg ti tĩ, ù tỹ tag to jykrén mũ ti. Vĕnh hã mỹ tóg ón mũ sir. ⁴ Ějag jykre tugnỹm nĩ. Ti há nĩn kỹ tóg há tĩ, kỹ tóg tỹ ùn há nĩ, ù tỹ vĕnh jykre há han mũ ěn ti. Jagně mỹ: inh jykre há vỹ ã jykre há kãfór nĩ, he tũg nĩ. ⁵ Topě hã ne ěg ki ěg

jykre há ěn vég tĩ', kar kŷ tóg ěg mré ke ag jykre ki kanhró nĩ gé, Topě ti.

⁶ Kejĕn ũ tóg ājag mŷ Topě vĩ kāmén mũ. Ti mŷ ājag tŷ nén ũ nĩmnĩ, ti tŷ ājag mŷ kāmén mũ kaja ti.

⁷ Kygně tũg nĩ, ěg tŷ Topě to é he kŷn pi(jé) há nĩ'. ěg tŷ ón kŷ: věnh jykre há kāgmĩ kŷ inh nĩ ha, hen kŷ tóg ěg kren han ke tũ nĩ. Topě vŷ ěg jykre ki kanhró nĩ. ⁸ Ge ti nĩgtĩ, ěg tŷ nén han mũn ti. ěg tŷ ěg tŷ nén to én mũ ěn han kŷ ěg tóg ter ke mũ sir. Kŷ tog ěg tŷ mandioca ko vānh krān kŷ ti nin ko kŷ ti tŷ ěg tén ěn ri ke nĩ sir. ěg tŷ Topě kuprĩg tŷ ěg mŷ nén tó mũ ěn han kŷ ěg tóg rĩr krŷg ja tũ ěn venh ke mũ, kŷ tóg ěg jakré tŷ kanĕn há han kŷ ěg tŷ ko ěn ri ke nĩ sir. ⁹ Hā kŷ nén ũ há han to krónh ke tũg nĩ. Ve jé ěg tóg ke mũ, ti kanĕ há ěn ti, Topě tŷ ěg mŷ nén ũ há han ke ti, ěg tŷ Topě jykre há tovānh tũ nĩn kŷ. ¹⁰ Hā kŷ ěg tóg věnh kar jagāgtān ke mũ. Kŷ tóg há tāvĩ nĩ, ěg tŷ ěg mré Jesus ki ge kŷ nŷtĩ ag jagāgtān ti.

Paulo tŷ ag jyvĕn mān

¹¹ Ha vé, rá mág han sóg tĩ, sŷ vēsóg ki ājag mŷ rán kŷ.

¹² Ũ ag tóg ājag kutān tĩ, ājag tŷ ājag gré junun fār kym jé. Ag tŷ věnh mŷ nén ũ há han sór vē, ha mĕ. Judeu ag tóg ěg vóg kónān tĩ, ěg tŷ fóg ag mŷ: “ājag gré junun fār kym nĩ,” he tũ to. Ũ tŷ ājag kutān mũ ag vŷ Judeu tŷ ag vóg kónān ěn ve sór tũ nĩ. Cristo tŷ cruz to sa ja ra ag vēsŷrĕnh sór tũ nĩ, hā kŷ ag tóg ājag mŷ: “ha ājag fār kym nĩ,” he mũ. Ag vŷ jĕmĕ tũg nĩ. ¹³ Ha vé, ag tŷ ājag gré junun fār kym ja ra ag tóg Topě tŷ vāsŷ ěg jyvĕn tĩ ěn han kān ja tũ nĩgtĩ.

Hã ra ag tóg ãjag mÿ ãjag tÿ vÿnh kym ke ti tó mÿ, ag tÿ vÿnh kar mÿ ãjag tÿ nÿn han mÿ tó jé sir. Tag ki ag tóg tÿ ùn mág nÿtÿ sór mÿ, vÿsóg ki. ¹⁴ Ag jãvo sóg tÿ ùn mág nÿ sór tÿ nÿ. Nÿn pir tóg inh mÿ sér tÿ, hã vÿ: ãg pã'i tÿ Jesus Cristo tÿ cruz to sa ja ãn, he mÿ. Kÿ ãprã ke jykre inh mÿ tÿ tÿ ha. Jesus tÿ cruz to sa kÿ tóg inh mÿ tÿ tÿ' he ja nÿ, ãprã ke jykre tÿ, Jesus tÿ. Kÿ sóg han sór tÿ nÿ ha. Jãvo sóg cruz to sa ri ke han kÿ nÿ gé, ãprã ke jykre mÿ sóg hur tÿg. Sÿ han tÿ to ken hã vÿ. ¹⁵ Û ag tóg ãjag fãr kym tÿ, jãvo ù ag tóg kym tÿ nÿ gé. Hã ra tóg tÿ nÿn ù tÿ nÿ gé. Topÿ mÿ ãg há nÿtÿ, ãg tÿ ti ki ge kÿ nÿtÿn kÿ. Topÿ vÿ ãg han mãn, kÿ ãg tóg tÿ ùn tãg nÿtÿ ha. Tag hã ne há nÿ'. ¹⁶ Û tÿ vÿnh jykre tãg tag han mÿ ag krÿ kuprãg ti tÿ, Topÿ ti, ù tÿ ge jagãgtãn ti tÿ. Topÿ tÿ ag hã vÿ ha. Israel pÿ ag hã vÿ sir.

¹⁷ Kÿ inh kutãn mãn tÿg nÿ, inh vÿsÿrÿnh han mãn tÿg nÿ. Jesus vÿsÿrÿnh ja ãn ri ke han inh mÿr, hã kÿ sóg ti ri kÿn kygven kÿ nÿ ha.

¹⁸ Inh kanhkã', ãg pã'i tÿ Jesus Cristo jé ãjag tar han, ti jé ãjag krÿ kuprãg. Hã vÿ.

Topẽ vĩ rá **New Testament in Kaingang (BR:kgp:Kaingang)**

copyright © 2011 Wycliffe Bible Translators, Inc.

Language: Kaingang

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kaingang

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 21 Feb 2024 from source files
dated 29 Jan 2022
16af52c8-0e45-5e91-b36c-cd314d36d7fc